

R. Affirmative, nisi aliquod speciale indultum, in quo etiam de Iubilaei ieiunio expressa mentio fiat, obtineatur.

DUBIUM 7.

Si quis indultum vescendi carnibus etiam pro ieiuniis Iubilaei consequatur, tenetur lege de non permiscendis epulis, nempe carnibus cum piscibus?

R. Affirmative.

DUBIUM 8.

An ii, qui ad statutam aetatem pro ieiunii obligatione nondum pervenerint, nec non operarii, alique, qui ob legitimam causam ad ieiunia ab Ecclesia praecepta non tenentur, debeant ieiunare, ut Indulgentiam Iubilaei lucrentur?

R. Affirmative: Quod si iudicio Confessarii id praestare nequiverint, Confessarins ipso poterit ieiunium in alia pia opera commutare.

DUBIUM 9.

In Litteris Apostolicis legitur "tribus diebus etiam non continuis." Quaeitur an in hoc Iubilaeo, ob dicta verba, singuli dies ieiunii in diversas hebdomadas dividi possint?

R. In hoc Iubilaeo Affirmative.

DUBIUM 10.

Attenta clausula "hac vice tantum." Quaeitur an qui in censuras, et casus reservatos incidit, una tantum vice absolvi possit, prout edixit Benedictus XIV in Constit. "Inter graviores," vel potius in hoc Iubilaeo toties quoties in censuras, et casus reservatos incurrerit absolvi possit?

R. Affirmative ad primam partem; Negative ad secundum.

DUBIUM 11.

An qui privilegio Bullae Cruciatae gaudet, hoc tantum titulo sine alia causa in ieiuniis Iubilaei carnibus vesci possit?